

BOSNA I HERCEGOVINA
FEDERACIJA BOSNE I HERCEGOVINE
BOSANSKO-PODRINJSKI KANTON GORAŽDE
MINISTARSTVO ZA PRIVREDU
Broj: 04-05-1524/17
Datum: 15.09.2017. godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj: 12/03), člana 4. Zakona o upravljanju privrednim društvima u nadležnosti Bosansko-podrinjskog kantona Goražde („Službene novine Bosansko-podrinjskog kantona Goražde“, broj 8/05) i Zaključka Vlade Bosansko-podrinjskog kantona Goražde broj: 03-05-1407/17 od 14.09.2017. godine, Ministarstvo za privredu Bosansko-podrinjskog kantona Goražde,
r a s p i s u j e:

**PONOVNI JAVNI OGLAS
ZA IZBOR I IMENOVANJE PREDSEDNIKA I ČLANOVA SKUPŠTINE
JP „BOSANSKO-PODRINJSKE ŠUME“ DOO GORAŽDE**

1. Objavljuje se Ponovni javni oglas za imenovanje predsjednika i članova Skupštine JP „Bosansko-podrinjske šume“ d.o.o. Goražde.

2. Opis upražnjene pozicije:

Skupština društva broji 5 članova.

Skupština društva nadležna je za: donošenje Statuta i izmjene i dopuni Statuta, donošenju Etičkog kodeksa, povećanju i smanjenju osnovnog kapitala, usvajanju godišnjeg izvještaja društva, načinu pokrivanja gubitka, raspodjeli dobiti, promjeni oblika i podjeli društva, spajanju sa drugim društvom i pripajanju drugom društvu, izboru i razrješenju članova Nadzornog odbora, osnivanju, reorganizaciji i likvidaciji, godišnjem obračunu, raspodjeli dobiti i pokrivanju gubitaka, kupovini, prodaji, razmjeni ili davanju u lizing, uzimanju ili davanju kredita i drugim transakcijama, direktno ili posredstvom supsidijarnih društava, u toku poslovne godine u obimu većem od trećine knjigovodstvene vrijednosti imovine preduzeća po bilansu stanja na kraju predhodne godine, kao i o transakciji u manjem obimu, za čije odobrenje je nadležan Nadzorni odbor, ako on takvu predloženu transakciju nije odobrio jednoglasnom odlukom, donošenju poslovnika i pravilnika na prijedlog Nadzornog odbora, donošenju odluke o planu poslovanja, drugim pitanjima bitnim za poslovanje društva, u skladu sa Zakonom i Statutom.

3. Mandat

Mandat izabranog predsjednika i članova Skupštine J.P. Bosansko-podrinjske šume d.o.o. Goražde traje 4 (četiri) godine.

Skupština J.P. Bosansko-podrinjske šume d.o.o. Goražde sastoji se od predsjednika i 4 (četiri) člana.

Vlada Bosansko-podrinjskog kantona Goražde imenuje Skupštinu J.P. Bosansko-podrinjske šume d.o.o. Goražde na prijedlog resornog ministarstva.

Predsjednik i članovi Skupštine J.P. Bosansko-podrinjske šume d.o.o. Goražde za svoj rad primaju naknadu u skladu sa propisima i naknadama za rad u upravljačkim tijelima.

4. Uslovi

Kandidat treba da ispunjava slijedeće uslove:

a) Opći uslovi

1. da je državljanin Bosne i Hercegovine,
2. da je osoba starija od 18 godina i mlađa od 65 godina na dan imenovanja
3. da nije otpušten iz službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objavljivanja konkursa
4. da se na njega ne odnosi član IX. tačka 1. Ustava Bosne i Hercegovine
5. da nije osuđivan za krivično djelo ili privredni prestup koji predstavlja smetnju na imenovanje na upražnjenu poziciju, u roku od 5 (pet) godina od dana pravosnažnosti presude, isključujući vrijeme zatvorske kazne, prije dana objavljivanja upražnjene pozicije
6. da nije lice kojem je presudom suda zabranjeno obavljanje aktivnosti na poziciju za koju se kandiduje
7. da nije izabrani zvaničnik, nosilac izvršnih funkcija ili savjetnik izabranim zvaničnicima i nosiocima izvršnih funkcija u smislu člana 5. Zakona o sukobu interesa u institucijama vlasti Bosne i Hercegovine
8. da nije u funkciji u političkoj stranci u smislu člana 5. Zakona o ministarskim, vladinim i drugim imenovanjima F BiH
9. da nije član Nadzornog odbora ili Uprave Društva, niti da ima direktni ili indirektni finansijski interes u Društvu.

b) Posebni uslovi

- da ima završen najmanje VI ili VII stepen stručne sprema ili I, II ili III ciklus po Bolonjskom sistemu studiranja i to: biotehničkih, tehničkih ili društvenih nauka,
- da ima najmanje 1 (jednu) godinu radnog iskustva u struci od dana diplomiranja,
- da nije član više od jednog upravljačkog tijela,
- da posjeduje znanje vezano za nadležnost i rad Skupštine i način rada organa upravljanja privrednim društvima.

Potrebni dokumenti (original ili ovjerena kopija)

Prijave kandidata treba da sadrže: kraću biografiju, kontakt telefon i adresu. Uz prijavu potrebno je dostaviti: uvjerenje o državljanstvu, rodni list, dokaz o stručnoj spremi, dokaz o radnom iskustvu, uvjerenje o nekažnjavanju i da se ne vodi krivični postupak (ne starije od tri mjeseca), ovjerenu izjavu da nije otpušten iz državne službe

kao rezultat disciplinske mjere na bilo kojem nivou BiH posljednje tri godine, izjavu da se na njega ne odnosi član IX tačka 1. Ustava BiH, izjava da nije u sukobu interesa u smislu Zakona o sukobu interesa u organima Vlasti FBiH i izjavu da nije u finansijskom ili privatnom sukobu interesa za društvo u koje se nominuju kao i izjava da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima u FBiH.

U prijavi za Skupštinu J.P. Bosansko-podrinjske šume d.o.o. Goražde obavezno naglasiti poziciju na koju kandidat aplicira (predsjednik ili član Skupštine društva).

Svi kandidati koji budu stavljeni na listu za uži izbor bit će pozvani na intervju pred Komisijom za izbor.

Sva navedena dokumentacija mora biti u originalu ili ovjerene kopije ne starije od šest mjeseci.

Kandidati koje nakon intervjua preporučí Komisija za izbor smatrat će se da su najuspješnije prošli otvorenu konkurenciju.

Ponovni Javni oglas će biti objavljen u “Službenim novinama Federacije Bosne i Hercegovine” i dnevnom listu “Dnevni avaz” i ostaje otvoren 15 dana od posljednjeg objavljivanja.

Prijave sa traženom dokumentacijom treba dostaviti lično ili putem pošte na adresu sa naznakom:

**“PRIJAVA NA PONOVI JAVNI OGLAS
ZA IMENOVANJE PREDSJEDNIKA I ČLANOVA SKUPŠTINE
JP “BOSANSKO-PODRINJSKE ŠUME” d.o.o. GORAŽDE – NE OTVARATI”
MINISTARSTVO ZA PRIVREDU BPK GORAŽDE
Ulica Maršala Tita br. 13. Goražde**

Nepotpune i neblagovremene prijave neće se uzeti u razmatranje.

Goražde: 15.09.2017. godine.

MINISTAR

Anes Salman